



Inatsisartuni ilaasortaq
Aaja Chemnitz Larsen
3900 Nuuk

**Peqqinnissakkut sullinneqarnermut innuttaasut akiliuteqarnissaat pillugu § 37
naapertorlugu apeqqummut akissut.**

Aallaqqaasiullugu peqqinnissakkut sullinneqarnermut nammineq akiliuteqarnissaq
pillugu apeqquteqaateqarninnut qutsavigerusuppakkit.

Imm. siullermut tunngatillugu)

**Kalaallit Qallunaat Nunaanni najugaqartut Kalaallit Nunaanni ilaqtutanut qanittumi
erninissamik kissaateqartut peqqinnissakkut sullinneqarnermut
akiliisariaqarnerat pissusissamisoorpa?**

Inuit Qallunaat Nunaanni inunnik nalunaarsuisarfimmi nalunaarsimasut Qallunaat
Nunaanni peqqinnissaq pillugu inatsit naapertorlugu sullinneqarnissamut
pisinnaatitaaffeqarput. Inuit Kalaallit Nunaanni inunnik nalunaarsuisarfimmi
nalunaarsimasut aalajangersimasumillu najugaqartut Kalaallit Nunaanni peqqinnissaq
pillugu inatsit naapertorlugu sullinneqarnissamut pisinnaatitaaffeqarput. Kalaallit
Qallunaat Nunaanni najugaqartut tassanilu najugaqartut inunnik nalunaarsuisarfimmi
nalunaarsimasut, inunnut Savalimmiuni Qallunaat Nunaanniluunniit najugaqartunut
Kalaallit Nunaanniikkallartunut peqqinnissaqarfiup sullissineri pillugit nalunaarut nr. 17,
13. septembar 2006-imeersumi maleruagassat naapertorlugit, Kalaallit Nunaanni
peqqinnissakkut sullinneqarnissamut pisinnaatitaaffeqarput. Inuit Qallunaat Nunaanni
najugallit Kalaallit Nunaanniikkallarnermi tassanngaannartumik
napparsimalissagaluarunik imaluunniit ataavartumik nappaatiminnik
tassanngaannartumik ajornerulersitsissagaluarunik, ajunaarnermik assigisaanilluunniit
nalaataqassagaluarunik, § 1 naapertorlugu peqqinnissaqarfimmit akeqanngitsumik
sullinneqarnissamut pisinnaatitaaffeqarput.

Nappaatit tassanngaannangitsut, soorlu ernineq inatsimmi ilaangimmata Kalaallit
Qallunaat Nunaanni najugaqartut peqqinnissakkut akeqanngitsumik sullinneqarnissaq
pisinnaatitaaffiginnilaat.

Imm. aappaannut tunngatillugu)

**Napparsimalersinnaanermut sillimmasigaanermut allagartaq tungujortoq Kalaallit
Nunaanneersunit Qallunaat Nunaanni najugaqartunit Kalaallit Nunaanniinnermi
atorneqarsinnaannginnera inatsisiliornermi kukkunerua?**

Napparsimalersinnaanermut sillimmasigaanermut allagartaq tungujortoq, nunanut EU-
mut ilaasortaasunut atuummat, Kalaallit Nunaanni atuutinngilaq.
Inunnut Savalimmiuni Qallunaat Nunaanniluunniit najugaqartunut Kalaallit
Nunaanniikkallartunut peqqinnissaqarfiup sullissineri pillugit Namminersomerullutik
Oqartussat nalunaarutaat nr 17, 13. september 2006-imeersoq naapertorlugu inuit
Savalimmiuni Qallunaat Nunaanniluunniit najugaqartut Kalaallit

28-04-2015
Sullap nr. 2015-114077
All. Nr. 1945669

Postboks 1160
Tlf: 34 50 00
Fax: 34 55 05
3900 Nuuk

Email: pan@nanoq.gl
www.naalakkersuisut.gl

Nunaanniikkallarnerminni tassanngaannartumik napparsimalissagaluarunik imaluunniit ataavartumik nappaatiminnik tassanngaannartumik ajonerulersitsissagaluarunik, ajunaarnermik assigisaanilluunniit nalaataqassagaluarunik akeqanngitsumik sullinneqarnissamut pisinnaatitaapput.

Peqqinnissakkut sullinneqarneq inuup pineqartup Savalimmiunut Qallunaat Nunaannulluunniit utereersimalerneranut utaqqinneqarsinnaasoq matumani ilaanngilaq. Taamaammat aamma pilersaarut naapertorlugu sullinneqarneq, akeqanngitsumik sullinneqarnissaq pillugu inatsimmi aalajangersakkanut ilaasinnaanngilaq. Inuit Kalaallit Nunaanneersut Qallunaat Nunaanni najugaqartut napparsimalersinnaaneremut sillimmasigaaneremut allagartaq tungujortoq (EU-kort) atorneqarsinnaagaluarpat, napparsimalersinnaaneremut sillimmasigaaneremut allagartaq tungujortoq (EU-kort) nalunaarullu assigiimmik periarfissiimmata, pitsaanerumik atugassaqalersinnaanngillat.

Imm. pingajuannut tunngatillugu)

Peqqinnissakkut sullinneqarneremut akiliissanngikkaanni inunnik nalunaarsuisarfimmi najukkap aalajangersimasup Kalaallit Nunaannut – akerlianillu Kalaallit Nunaanniit Qallunaat Nunaannut nuuttariaqarnera eqqortuua?

Akissut siulleq takuuk.


Immikkoortut sisamaannut tunngatillugu)

Naalakkersuisut tamatumunnga qanoq isumaqarpat?

Naalakkersuisut allanik ilassutissaqanngillat immikkoortulli aallaqqaataanniit pingajuannut akissutaasunut innersuussillutik.

Inussiarnersumik inuulluaqqusillunga

Med venlig hilsen



Martha Lund Olsen